

حقوقی بیکسیر مجموعه سی

هر آي صوکنده نشر اولنور

JURISPRUDENCE

اجتهادات مجامعہ

محکمہ نمبر برنجی حقوق دائرہ سندھ :

نومرو ۲۵۵۸ تاریخی : فی ۲۰ مارت سنہ ۱۲۲۷

خلاصہ : عینی و متقابل دعوا لک آری آری ایکی محکمہ دہ رؤیتی نقضی مستلزمدر .

قاضی کوئندہ مودہ جادہ سندہ ۲۴۸ نومرولو خانہ دہ مقیمہ محمود مختار پاشا زوجہ سی
رنس نس نعمت اللہ خانمک سلطان سلیمہ دباغ یونس محلہ سندہ چفته چشمہ سواقندہ
۹ نومرودہ مقیم حسن بک علیہ ناجیہ خانم دن تفرغاً تحت تصرفندہ بولنان ابراہام پاشا
قوروسی نامیلہ عریف اورماندہ مومی الیہ حسن بکک کویا مومی الیہ ناجیہ خانم وکیلی
ایلہ یامش اولدیننی عقدہ مستنداً غیر فی قطعیانہ بولنہرق کندوسنی اون بیک لیرا ضررہ
دوچار ایتش اولدینندن مبلغ مذکورک تحصیل طیلہ اقامہ اولنان دعوی ایلہ مومی الیہ
حسن بکک مدعیہ مومی الیہ علیہ ضرر و زیان و اموال مغضوبہ بدلتک تحصیلی حقندہ
متقابلاً متصدی اولدیننی دعوانک بالتوحید اجرا قلنان محاکمہ سندہ مدعیہ مومی الیہ
نعمت اللہ خانم وکیلی ضرر و زیان حقندہ کی طلبنی آتیہ بالتعلق مقطوعات بدلیلہ مصارف
محاکمہ تک تحصیل خصوصہ حصر دعوی ایدرک مومی الیہ حسن بکک مذکور اورماندہ
یالکز اودون وکمر اعمالہ صالح آغا جلرلہ چالیرلی بدل معلوم مقابلندہ مدعیہ نک
فارغہ سی سابق ناجیہ سلطانندن مقدم تاریخی مقاولہ نامہ ایلہ مبایعہ و تسلیم ایلدیکی مبرز
مقاولہ نامہ دن آکلا شلمش ایسہ دہ مدعیہ اشبو اورمانی بتون ہیئتیلہ تفرغ ایتش اولدیننی
مبرز سند و مدعی علیہ مقاولہ خارجندہ کی اشجاری قطع ایدرک تحریبات یامق صورتلہ
حکم مقاولہ یہ مخالفت ایتدیکی کشف راپوری مندرجاتیلہ ثابت اولدینندن وسائرہ دن
بالبحث مدعی علیہ حسن بکک عاقیدہ قارشی حق رجوعی محفوظ قالمق اوزرہ مدعیہ یہ
قارشی اقامہ ایلدیکی مقابل دعوا سنک ردینہ و خلاف حق و صلاحیت وقوع بولان قطعیات
ملکیت تأمین ایدہ میہ جکندن و مدعیہ نک تصرفی طاہو سندینہ مستند بولندینندن بدله
تحويل اولنوب نتیجہ محاکمہ یہ قدر محکمہ جہ حفظ ایدلمکدہ اولان مقطوعات بدلی

يکرمی یدی بیک ایکیوز آلتش بش غروشک مدعیه تودیعنه متدائر استانبول محکمه اصلیه سی ایکنجی حقوق دائره سندن صادر اولان ۱۴ تشرین اول ۹۲۶ تاریخ و ۴۴۷ عددلی اعلامک طرفینک بالجلب ایضاحات شفاهیله رینک استماعندن صکره تمیزاً تدقیق مومی الیه حسن بک وکیلی طرفندن طلب واستدعا قلمغله تعیین اولنان کونده مستدعی تمیز مومی الیه وکیلی اسماعیل صدق و تمیز علیها نامنده آووقات علاءالدین بکله ورود ایلمرله مواجهه لرنده تدقیقات تمیزیه اجراسنه مبادرتله لدى السؤل تمیز علیها وکیلی مدت و شرائط حقنده بردیه حکمی اولمادیغنی بالیان وکیلان مومی الیه مانک ایضاحات شفاهیله ری دخی بعدالاستماع دوسیه میاننده موجود بولنمان بشنجی حقوق محکمه سنده کی دعوی دوسیه سنک مطالعه سنه لزوم کورلدیکی جهتله اوراق مذکورنک محندن جلبنه و کیفیتک مذکور اوراقک ورودینه دکین تعلیقنه قرار ویریلوب اخیراً اوراق مذکور و ورود ایتمکله کافه اوراق دعوی و تمیزیه ابله مآ بالتدقیق ایجاب کیفیت مذاکره اولندقدنه : بردعوانک ایکی محکمه ده رؤیته مساع قانونی بولونماسنه و حسن بک استانبول ایکنجی حقوق محکمه سنده مقابلاً اقامه ایلدیکی دعوی مقدما بشنجی حقوق محکمه سنده اقامه ایدرک صدور ایدن حکمی محکمه تمیزجه نقض ایدیلن دعوانک قسماً عینی و قسماً ده آکا متفرع اولدیغی آکلاشللمسنه و ایکنجی حقوق محکمه سنده مومی الیه علیهنده کذلک ضرر و زیان دعواسی اقامه ایتش اولان نعمت خانم بو دعواسی آتییه تعلیق ایتش بولونمنه مبنی مدعینک دعوی متقابله سنک بشنجی حقوق محکمه سنده کی اصل دعوی الیه توجیداً محکمه مذکورده حواله سنه قرار ویرلسی مقتضی ایکن بولزوم قانونییه رعایت ایدلمه رک ایکنجی حقوق محکمه سنجه بوجه محرر رؤیت دعوی واعطای حکم ایدلسی مغایر قانون اولدیغی کبی کشفک شخص واحده اجرا ایتدیرلسی دخی بولسز و مخالف قانون اولدیغندن جهات سائر بشنجی حقوق محکمه سنجه اجرا قلنه جق محاکمه ده تدقیق وحل ایدلک اوزره اصول محاکمه حقوقیه قانونسک ۲۳۲ نجی ماده سی موجبجه حکم تمیزه نیک اسباب مذکورده دن دولایی نقضنه و کیفیتک تکرار بالرؤیه اعلامه ربطی ضمتنده اوراقک محله اعاده سنه و بوجه زیر مصارف تمیزیه نیک آتیاً حقسنر جیه جق طرفه عائدبته ۲ مارت سنه ۹۲۷ تاریخنده متفقاً قرار ویرلدی .

محکمہ تمیز الکنجی مقوقہ دائرہ سندھ :

نومرو ۱۴۸۰ : تاریخ ۳۰ نيسان ۹۲۷

خلاصہ : مقدما والدہ سنہ تسليم ايديلن کوچوك حقندہ اسباب موجبہ مستنداً آمانك ولايتي نزع ايدلمكسزين باقسز قالدینی ثابت اولسه دخی چوجغك باباسنه اعاده وتسليمته قرار اعطاسی نقضی مستلزمدر.

مدعی شکری افندی وکیلی احمد توفیق بك طرفندن موكلنك مطلقه سی لطفیه خانمندن متولد اوچ یاشنده قیزی بلقیس مزبورہ نزدندہ بولنورسده مزبورہ لطفیه خانمك بوكون سوقاقلرده واولدهده بریده کزر مقولهدن بولونماسندن دولایي کوچوك بلقیسك باقسز قالدینی جهتله اناسی یدندن آلنہرق موكلنہ تسليم ایدلمسی حقندہ مزبورہ لطفیه خانمعليہہ اقامہ اولنان دعوی ایلہ مدعی علیہا لطفیه خانم طرفندن کاتب عدلدن رأساً تنظیم قلنان سند موجبہ زوج سابقی شکری افندیك صلبدن حاصل بلقیس ایچون تعهد و ایفا ایدہ کلمکده اولدینی اون بش لیرا فقه بدلك غیر کافی اولدیغندن تزیدی حقندہ متقابلاً اقامہ اولنان دعوانك بالتوحيد اجرا قلنان محاکمہ لری نتیجه سنده مدعی علیہا لطفیه خانمك فی الحقیقه اولدهده بریده دولاشیر مقولهدن اولوب بو صورتله چوجغك باقسز قالدینی بالبنہ ثابت اولدیغندن قانون مدنیك ۲۷۲ نجی ماده سی حکمنہ توفیقاً کوچوك بلقیسك اناسی مزبورہدن آلنہرق باباسی مدعی شکری افندی یه تسلیمنه دائر از میر محکمہ اصلیه ایکنجی حقوق دائرہ سندن صادر اولان ۲ شباط سنہ ۹۲۷ تاریخ و ۲۱۶ نومرولو اعلامك مدت قانونیه سی ظرفندہ تمیزاً تدقیقی مزبورہ لطفیه خانم وکیلی محمد حق بك طرفندن باستدعا طلب اولونمغله متفقاً بالقبول اعلام میزبه ملفوف لایحه تمیزیه وجوابیه و سائر اوراق متفرعه سیلہ برلکده تدقیقات تمیزیه اجرا و ایجابی مذا کرہ اولندی .

صورت جریان محاکمہ نظرأ مقدما کوچوك مزبورہ بلقیسك کندیسنه تسليم ایدلمش اولان آناسنك کوچوك حقندہ کی ولايتك نزعی موجب اسبابی غیر موجود اولقله برابر ولايت مذکورہ اسباب موجبہ مستنداً نزع ايدلمكسزين مزبورہ کوچك یازیلی اولدینی وجهله باباسنه تسلیمنه قرار ویرلسی مخالف قانون بولندیغندن حکم میزبه مزبورك نقضنه ۱۳ نيسان سنہ ۹۲۷ تاریخندہ متفقاً قرار ویرلدى .

محکمہ تمیز ایکٹنی حقوق دائرہ سندھ :

نومرو : ۱۶۴۰ تاریخ : ۲۴۔ نيسان ۱۲۷۷

خلاصہ : کچوک برادرہ فقہ تقدیرندہ بیوک برادرک حال رفاہدہ اولدینک اصولاً ثابت اولامسی سبب نقضدر .

مدعیہ بکیناز خانمک تحت ولایتدہ بولنان کوچوک طلعت افندیہ فقہ تقدیری طلیہ کوچوک لاب برادری یوسف عزالدین افندی علیہ اقامہ ایلدیکى دعوانک غیاباً جاری محاکمہ سی نتیجہ سندہ مدعی علیہ یوسف عزالدین افندیک لاب قرداشی اولدینی بالبنیہ المحلفہ ثابت اولان ومدعیہ بیکنار خانمک تحت ولایتدہ بولنان فائق طلعت ایچون بوکوندن اعتباراً مدعی علیہ اوزرینہ یومی اوتوزر غروش فقہ بدلی تقدیرینہ دائر ویریلان ۱۶ شباط سنہ ۱۲۵۰ تاریخى اعلام غیابی حکمنہ عدم قناعتلہ مدت قانونیہ سی ظرفندہ اعتراض ایدن مومی الیہ یوسف عزالدین افندیک یوم محاکمہ دن خبردار اولدینی حالہ عدم ورودینہ بناءً اعتراض استدعاسنک ردینہ متدائر از میر محکمہ اصلیه ایکٹنی حقوق دائرہ سندن صادر اولان ۲۵ مارت ۱۲۷۷ تاریخى ۶۰۴ نومرولو اعلامک مدت قانونیہ سی ظرفندہ تمیزاً تدقیق مومی الیہ یوسف عزالدین بک طرفندن با استدعائنامہ طلب اولونمقلہ متفقاً بالقبول اعلام تمیزہ لایحۃ تمیزہ وسائر اوراق متفرعہ سیلہ برلشدیریلہ رک بعدالمطالعہ تدقیقات تمیزہ اجرا واجبابی مذاکرہ اولوندقدہ حادثہدہ قانون مدنی نک ۳۱۶ نجی مادہ سنک فقرہ ثانیہ سی موجبہ فقہ تقدیریلہ مکلف طوتیلان مدعی علیہک حال رفاہدہ اولدینی اصولاً ثابت اولمقہزین یازیلی اولدینی وجہلہ فقہ تقدیرینہ قرار ویرلسی مخالف قانون بولندیفندن حکم تمیزہ مذکورک نقضنہ ۲۴ نيسان سنہ ۱۲۵۰ تاریخندہ متفقاً قرار ویریلہ رک اوراق محلہ اعادہ قلندی .

بالا محکمہ اصلیه سندھ :

خلاصہ : زوجہ نک اقامتکاهی زوجک اقامتکاهی اولدینی قانون مدنی احکامندن اولسنہ نظراً بوشاغہ دعواستندہ بولنان مدعیہ نک دعواسنی زوجک اقامت ایتکدہ بولندی بی محل حاکمہ عرض ایلسی ایجاب ایدر .

تاریخی : ۲۷ شباط ۱۲۷۷

ایجابی بالمداکرہ : بالا محکمہ اصلیه باشکاهی فائق افندی کریمہ سی رویدہ خانم ایلہ حایمانانک اورون قوش قریہ سندن حاجی شکری افندی میانہ لرنده متکون بوشانما دعواسنک

طرفین و کیلاری حضور یله و جاهاً اجرا قلنان محاکمه سنده مدعیه و کیلی آووقات اکرم
 بك مؤکله سی رویده خانم ایله مدعی علیه اخلاقاً شهرلی و کیلی اولمق اعتبار یله یکدیگریته
 ضد و متخالف برر عضو اولدقلری کی مؤکله سندن سوکره خلاف قانون اوله رق تکرار
 ایکی قادیله تاهل ایتیش و اقد مجده ضرب و اشکنجه ایدرهك قولنی قیرمش اولماسندن
 دولای تشریک حیات و عائله اوجاغی تأسیسی امکانی قالمادیغندن دولای اوج سندن بری
 پدری خانه سنده التجا ایتیش اولدیغندن و بعد ماده بر آراده یشامق امکانی بولمادیغندن
 مؤکله سنک پدری خانه سنده اولدیغندن بوشانماسنه قرار اتخا ذنی طلب و دعوا و مدعی علیه و کیلی
 آووقات سری بك ده دعوی عر ضالحده اوج سندن برو مؤکله سنک پدری خانه سنده اولدیغندن
 و بوشانماسی خصوصنه قرار و برلسندن بحث ایدلمکده ایکن دعوی عر ضحالی خارجی
 اوله رق بعض مطالعات و تأویلات علاوه ایدلمکده اولدیغندن مذکور استدعا ایله دعوی
 واقعه نك رؤیت ایدیله مه یه چکی کی مؤکلی و مدعی نك زوجی حایمانا قضاسی خلقدن
 اولماسنه و قانون مدنی ده زوج نك اقامتگاه کی زوجک اقامتگاه کی اولدینی مذکور بولماسنه کوره
 مدعیه اقامتگاه اتخا ذینه مأذونیت استحصال ایتدکجه دعوی حاضر نك رؤیتی محکمه نك صلاحیتی
 خارجنده اولدیغنه و زوجک اقامتگاه کی عین زمانده زوج نك ده اقامتگاه کی اولغله دعوا
 حایمانا قضاسی محکمه سنده عائد بولدیغنه قرار و برلسنی طلب ایللری اوزرینه لدی التذکر
 استدعا ده امتزاج سزلغنه بناء بوشانما دعواسی اقامه ایدیش اولوب عند الحاکمه
 امتزاج سز لنگ منشاء و حادثه لرینی تصریح و توضیح صورت یله دعوی عر ضحالی تأیید
 کافی اولوب محاکمه باشقه بر دعوی درمیان ایدلمدیکنه نظراً رد استدعا حقتده کی طلبک
 غیر وارد اولدیغنه و مدعی و کیلی مؤکله سنک ضرب و اذا ایدلایکنندن دولای زوج نك
 اقامتگاه کی ترکله پدری خانه سنی مسکن اتخا ذ ایتدیکنی قانون مدنیك ۱۶۲ نجی ماده سنده
 تماس ایتک صورت یله درمیان ایتدکده اولدیغندن حقیقه مذکور ماده موجبجه آیری بر مسکن
 ایدیلنلمسی وارد و محق اولوب اولمادیغنی آکلاشلقدن سوکره صلاحیت و یاعدم صلاحیت
 قراری اتخا ذی ضروری اولوب ۱۶۲ نجی ماده ده کی اسباب مجبره ثابت اولمقسزین بوبابده
 برقرار و برلسنه امکان کور یله مدیکندن اول امرده مدعی و کیلنک بوبابده کی ادعاسنی اثبات
 ایلیمی لزومنه قرار و بر یلرهك لدی التفهیم مدعیه و کیلی اکرم بك مذکور ماده احکامی
 اولنمه نك عمومی حکملرینه متدائر و اشبو ماده صراحتی و جهله آیری یشامق ایچون

قرار طلب ایدلما مکنده اولوب ۱۳۶ نجی ماده صراحتی وجهله دعواسنک رؤیتی محکمه نك صلاحیتی داخلنده اولدیغی کبی ۱۶۲ نجی ماده ده محرر اسباب تحقیق ایتدکن صوکره اساس مسئلهیه کیریشیله جکی جهتله اثبات مدعایه داتراولان قراره اتباعاً ماده مذکورده محرراسبابک اثباته لزوم کورهمدیکنی واثبات کیفتیدن استکفاف ایل مکنده اولدیغی درمیان ایلشدر. قانون مدینک ۲۱ نجی ماده سنک ایلک فقره سنده قوجانک اقامتکاهی قادینک عد اولنه جکی مطلق اوله رق محرر اولوب کرجه آری یشامغه مأذون اولان قادینک کندیسنه آری بر اقامتکاه اتخاذ ایده جکی مذکور ماده نك صوک فقره سنده مذکور ایسه ده مدعیه روبده خانمک وکیلی مؤکله سنک بویله بر مأذونیتی حائز اولدیغی ادعا ایده مدیکی کبی ۱۶۲ نجی ماده یه تماس ایدره ک مشترک حیاتک دوامی یوزندن صحتی تهلمکیه دوشدیکندن دولایی زوجی اقامتکاهی ترکله بالا قضا سنده بدری خانه سنه التجا واورایی مسکن اتخاذ ایتدیکنی افاده ایلش ایکن بو مجبوریات اسبابی اثبات ایلری لزومه دائر محکمه جه ویریلن قراره رغماً وکیل مومی الیه اثبات مدعادن ایا و امتناع ایلش اولماسنه وشو صورتله مومی الهانک اقامتکاه حقیقی و قانونیسی اولان زوجی حاجی شکری افندینک حایمانا قضا سنه ملحق اورونقوش قریه سنده کی خانه سنی ترکله بالا قضا سنده باشقه مسکن و اقامتکاه اتخاذی ۱۶۲ نجی ماده ده محرر اسباب مجبره قانونیه ده غیر مستند ۲۱ نجی ماده موجبجه اصل اقامتکاهی زوجی خانه سی اولدیغنه و مرجع محاکمه سی ده قانون مدینک ۱۳۶ نجی ماده سی موجبجه مذکور رونقوش قریه سنک مربوط بولدیغی حایمانا قضای محکمه سی ایدوکنه بناء دعوی حاضره نك رؤیتی بالا محکمه سنک صلاحیتدن خارج بولندیغندن ۲۰ نisan ۳۴۰ تاریخ ۴۹۲ نومرولو قانونک آلتنجی ماده سی موجبجه دعواسنک حایمانا محکمه سنه حواله سنه و یوز غروش اعلام قرق غروش مع تبلیغ صورت خرجلریله زیرده محرر مصارف سائره نك اولا اعلامی طلب ایدن طرفدن آلتماسنه وجاهاً قابل تمیز اولوق اوزره ۲۷ شباط ۹۲۷ تاریخنده قرار ویریلوب اصولاً تفهیم قلندی .

مطالعہ :

[طلاق طلبی خصوصنده اقامتکاهنده دعوی اقامه سنه دائر مدعییه ویریلن صلاحیت ده ا زیاده مسائل ماده دندر. حادثه نك او نقطه نظر دن تدقیق وفی الواقع مدعیه نك اوج

سنة دى پدريك نژدنده اوطوروب اوطورماديني جهتك تحقيق ايدلسى وبوجهت تحقيق ايتدكن صوكره زوجك بو افتراقه قارشى اختيار سكوت ايتسى بر نوع موافقت ضمينه اولقى اوزره تلقى اولنوب بالتيجه ۱۳۶ نجى ماده موجبجه مدعيهك اقامتكاه حاضرندة اقامه دعوايه صلاحيتنى قبول ايتك هم روح قانونه هم ۱۳۶ ايله ۱۶۲ نجى ماده لرك تطبيقده كوردىكى تفسيره ده ملايم دوشر مطالعه سندهم .

اسويچره فده دال محكمه سندن : قرار تاريخى ۲۱ كانون مائى ۱۹۲۷

[بورجلر قانونىك (مجازات شرطنه) متعلق اولان ۱۶۳ نجى ماده سيله عيى قانونك (سمسارك اجرتى) نه متداثر اولان (۴۱۷) نجى ماده سنك جاي تطبيق بوله بيلمه لرى ايجون طرفين پيننده اولجه بر مبلغ معينك تقرر ايتسى لازم كلور. مع مانيه ۱۶۳ نجى ماده نك تطبيقى صره سنده حاكم فضله عد ايتدىكى جزايى راساً تعديله مجبور اولدينى حالده ۴۱۷ نجى ماده نك استهداف ايتدىكى احوالده وبورجلى نك طلب واقى اوزرینه اولجه تقرر ايتش اجرت مقدارى تقبىس ايده سيلور.]

(باسه نس) مجانين خسته خانه سنده تحت تداويده بولنان مادموآزله سه سيل د. نك وصيسى صقتيله حركت ايدن (ده وروه) ۴ حزيان ۱۹۲۵ تاريخى بر قطعه دعوتيه ورقه سيله (مازله وژاقوبى) نام كيمسه لردن مادموآزله حسابنه اخذ وقبض ايتش اولدقلى مبالغت بقيه سى اولان ۱۵۲۶,۹۰ فرانك تحصيلى طلب ايتش ايدى .

(مازله وژاقوبى) مادموآزله حسابنه ۱۵۲۶,۹۰ فرانكى تحصيل ايتش اولدقلى انكار ايتماكله برابر كنديسندن بر قوميسيون اجرتى اوله رق ۱۶۵۰ فرانك آلاجلرى بولنديندن مادموآزله آلآن كنديلرينه بورجلى اولديغنى بيان ايتش ايدى . بنا برين ودعواى متقابله صورتيه اولان : اشبو مبلغك تسويه سى ، ثانياً (ده وروه) نك علمنده وقوع بولان حقسز رشكايتدن دولانى ۳۰۰ فرانك ضرر وزيان طلب ايتكده بولنشلردر. قوميسيون اجرتى طلبنى تأييداً (ده وروه) جانبندن مادموآزله سه سيل د. يه عائد بر باب ملكك جنوره بلديه سنه صايلمسى ايجون كنديلرى توكل ايداش بولندقلى وملك مذكور بلديه طرفندن ۵۵,۰۰۰ فرانقه معامله فراغيه سى اجرا ايدلش بولنديغه كوره ۱۶۰۰ فرانك قوميسيون اجرتنه استحقاقلى بولنديغنى وتأيد مدعا ضمنتده بورجلر قانونك ۴۱۲ نجى و متعاقب (ت. ب. ق. ۴۰۴ و متعاقب ماده لرى) نى استشهاد ايتش ايدى .

(ره ورده) ايسه بويله بر وکالت ویرديکني انکار ايتمکه برابر مبحوث ملک جنوره بلديه سی طرفدن استملاک طریقه آلتش بولنديغه نظراً (مازل و ژاقوبی) نك هيچ برکونا قوميسون اجرتی طلبنه حقاری بولمادیغنی ومع هذا کندیلرینه برنجی دفعه ده ۳۰۰ فرانق وبالا خره ۹۰ فرانق ده علاوه سیله ۳۹۰ فرانق تکلیف ایلدیکنی بیان ایلشدر .
دعوای مذکورده حقنده بدایت محکمه سندن ۶ مایس ۹۲۶ تاریخده صادر اولان اعلامده :
(آ) (مازل و ژاقوبی) ۱ کانون ثانی ۹۲۵ تاریخندن اعتباراً ۵٪ حسابيله ایشله مش اولان قاضیاریله برابر ۱۵۲۶,۹۰ فرانق (ره ورده) به تسویه به ;

(ب) (ره ورده) (مازل و ژاقوبی) به قوميسون اجرتی اوله رق ۶۰۰ فرانق تأدیه به ;

(ج) مبالغ مذکورده آره سنده معامله محسوبیه اجرا ایديله جکني ;

(د) مصارف محاکمه بینلرنده بالتقسیم ثلثانی (مازل و ژاقوبی) و ثلث دیگر (ره ورده) به مائد اوله جني ;

(ه) طرفینک مطالب سائره سنک ردینه حکم اولمش بولنیوردي .

محکمه ، (مازل و ژاقوبی) نك (ره ورده) نك سمسارلری اولدیغنی و ملکک فراغندن طولانی بورجلر قانونک ۴۱۲ و ۴۱۳ (ت. ب. ق. ۴۰۴ و ۴۰۵) نجی ماده لری موجبجه بر قوميسون اجرتنه استحقاقلری درکار ايسه ده ملک مذکورک مبالغه سی تکلیفی جنوره بلديه سی جانبندن واقع اولمش اولدیغنه و فراغ مبحوث غه استملاک طریقه اجرا ایلمش بولنديغه نظراً (مازل و ژاقوبی) طرفلرندن طلب ایدیلن قوميسون اجرتسک ۴۱۷ (ت. ب. ق. ۴۰۹) نجی ماده مفادنجیه تنقیصی جهته کیدلمک ایجاب ایلدیکنی .

دیگر طرفدن محکمه ، (ره ورده) نك اصولی دائره سنده واقع اولان شکایتنامه سنک مغایر قانون عد ایديله ميه جکني تحت قراره آلمشدر .

اعلام مبحوث غه ۷ مایس تاریخنده تبلیغ ایدلمشدر .

بوکا قناعت ایتیمان (مازل و ژاقوبی) ۱۷ مایس تاریخيله استیفاف استدعاسنده بولنه رق اعلامک تقضیه بدایت محکمه سنده درمیان ایتدکلری مطالبی یکیدن ادعا ایتمشلر وینه ارائه سی تکلیفنده بولمشلدر .

(ره ورده) ايسه او دخی استیفاف ایدره ک محکمه نك ، (مازل و ژاقوبی) بی ۱۵۲۵,۹۰ فرانق تأدیه سنه محکوم ایدره ک مومی الیه مانک مطالب سائره سنک ردی ايله مصارف محاکمه نك کندیلرینه تحمیلنه حکم ایتمشنی طلب ایلکده ایدی .

(اسویچره) اصول محاکمه حقوقیه سنک ۳۳۸، ۳۴۳، ۳۴۵، ۳۴۷ و ۳۴۸ نجی ماده لری موجبجه کرک دعوی اصلیه کرکه دعوی حادثه نک هرایکیسی ده وارددر. استیناف محکمه سنک حله عرض اولتان مسائل بوجه آتی در :

۱ — (ره ورده) نک دعوی اصلیه سی واردمی در ؟

۲ — دعوی متقابله واردمی در ؟

۳ — مصارف محاکمه هانکی طرفه عائد بولمیدر ؟

(ره ورده) نک طلب ایلدیکمی ۱۵۲۶،۹۰ فرائق (مازل و ژاقوبی) نک دفترلرنده کندی مطلوبه محرر بولمقده ایسه ده بوکا مقابل ذمتنه مومی الهمایه عائد قومیسون اجرندن طولایی ۱۶۰۰ فرائق مقید بولندیغندن بورجلر قانوننک ۱۲۰ (۱۱۸) نجی ماده سی موجبجه ولوکه مذکور آلا جق مختلف فیه اولسون — تقاص ادعا سنده بولمقده — حق لری درکاردر. (مازل و ژاقوبی) نک (ره ورده) یه مدیون اولوب اولمدقارینه حکم ایده بیلیمک ایچون اول باول مومی الهمانک بر قومیسون آلفه حق لری اولوب اولمدیغنی تدقیق ایتمک ایجاب ایدر .

بورجلر قانونک ۴۱۲ (۴۰۴) نجی ماده سی :

آ (طرفیندن برینک دیکرینه بر مقاوله عقد ایتمک فرصتی ارانه ایلدیکمی ؟

ب) بر مقاوله نک عقدی ایچون وقوع بولان مذاکرانده طرفیندن برینک دیکرینه وساطت ایتدیکمی، حاللرنده سمسارلق مقاوله سی وقوع بولش اولدیغنی قبول ایتمکده در.

احوال مذکورده نک برنجیسی مسئله مزه قابل تطبیق دکلدر . (مازل و ژاقوبی) ، مادموازل د. یه عائد املاک ایچون برمشتری بولمغه مأمور ایدلماشاردر . املاک مذکورده نک اداره سنه مأمور کیسه لر صفتیه مازل و ژاقوبی دن مال صاحی مادموازلک آتی صاتمغه خواهشکر اولوب اولمدیغنی بیان ایتملری جنوره بلدیسه سی ۲۵ نیشان ۱۹۲۲ تاریخی مکتوبیه کندی لرندن طلب ایلمش ایدی . معافیه مومی الهمانک بورجلر قانوننک ۴۱۲ (۴۰۴) نجی ماده سنک استهداف ایتدیکمی ایکنجی شتی استشهاد ایتملری موافق قانوندر .

فی الواقع مبرز اوراقدن آکلاشلدیغنی وجهله جنوره بلدیسه سنک وقوع بولان تکلیفی (ره ورده) یه تبلیغ ایتدیردکلری زمان تکلیف مذکور ی ردایله مال صاحی نک صاتمغه راضی اولمیه رق استملاک طریقله ملکینک الندن آلمنسی آرزو ایتدیکمی بیلدیرلماش بالعکس

(ره ورده) املاك مزبورہی بازارلقی صورتیله و مادموازل د. نامہ صاتمق ممکن اولوب اولمادینی تدقیق ایلمکده بولندینی افاده ایدلمشدی.

(مازل و ژاقوبی) ایشی تعقیبه و مال صاحبی ایله بلدیہ آرہندہ متوسط وظیفہ سنی ایفاده دوام ایلمشلدرد. بنابرین ہر قدر جنورہ بلدیہ سیلہ اجرای مذاکرات ایچون (ره ورده) (مازل و ژاقوبی) یہ تحریری بر وکالت اعطا ایتماش اولمقلہ برابر مذاکرات واقعہی کندی انضمام موافقتیله اداره استدکاری تحقق ایتمش بولمقلہ در. مذاکرات مبحوہ ملکک ۵۵۰۰۰۰ فرانکہ مقابل صائلسنہ دائر حقیقی بر تعہد مقاولہ سنہ منجر اولمشلدرد. شاید او زمان ملک مذکورہ مادموازل د. نامہ بالتراضی و بازارلقی صورتیله صاتمق ایچون ایجاب ایدن صلاحیتی حائز بولنش اولسہ ایدی مقاولہ مبحوہ بر سند رسمی ایله تثبیت ایدلمش بولنہ جقدی. مادموازل د. نک عدم اہلیتی و کندیسنک بروکیل قانونیسی بولنامسی در کہ طرفینی صورتا استملاک اصولنہ مراجعتہ مضطر براقتشد. نتہ کیم استملاک معاملاتاتی انناسندہ ملکک قیمتی حقندہ هیچ بر اعتراض و مناقشہ وقوع بولماسدرد. چونکہ ملکک بدلی اولجہ طرفین آرہندہ مذاکرہ ایدیلہ رک تقرر ایتدیرلمشدی.

(مازل و ژاقوبی) نک مادموازل د. یہ ٹاند ملکک جنورہ بلدیہ سنہ وقوع بولان فراغندہ (ره ورده) ایچون متوسط وظیفہ سنی اجرا ایتمش اولدقلرندن بو حیثیتلہ بورجلر قانوننک ۴۱۲ و ۴۱۳ (۴۰۴ - ۴۰۵) نجی مادہ لوی موجبہجہ بر اجرتہ استحقاقلری درکاردر.

بونکلہ برابر اجرتک مقداری تعیین ایدلماش بولندینی جہتلہ بدایت حاکمیری طرفندن ۴۱۷ (۴۰۹) نجی مادہ نک تطبیق جہتنہ کیدلسی بولسزدرد. مادہ مبحوہ یالکسر اولجہ تقرر ایدوب طرفیندن برینک فاحش عدایدیکی اجرت مقدارینک تنزیلی طلبنہ متداثردر. اشبو مادہ مجازات شرطی استہداف ایدن ۱۶۳ (۱۶۱) نجی مادہ ایلہ بدرجہ یہ قدر مشاہت عرض ایلمکده در. ہر ایکی حالہ دخی مقدارک اولجہ طرفین آراسندہ تقرر ایتمش بولنسی اقتضا ایدر. لکن ۱۶۳ (۱۶۱) نجی مادہ سندہ محرر اولان احوالہ حاکم، excessif عدایتیکی جزائی رأسا تنزیل و تقیصہ مجبور ایکن ۴۱۷ (۴۰۸) نجی مادہ نک معطوف علیہی اولان احوالہ بورجلی نک طلب واقعہ مبنی اجرت مقررہی تقیص ایدر.

(مازل و ژاقوبی) نک کسب استحقاق استدکاری اجرت ۴۱۴ (۴۰۶) نجی مادہ موجبہجہ یا بر تہرفیہ و یا خود موجود تعاملہ کورہ تعقیب ایدلمک اقتضا ایدر. (مازل و

وژاقوبی) نك استشهد ايتديكى و برماهيت رسميه پي حائز اولمايان املاك اداره و كيللرينك نظامنامه و تعرفهسى «صايش قوميسيون اجرتى»نى تعيين ايتكمده در . بو ماده ايله ملكنى صائمغه مأمور ايديلن بر و كيل امور بر آليجي بولوب مقاوله نامه نك امضاسى تحقق اينجه بيه قدر مذاكراتى تعقيب ايتديكى احوال قصد اولمقده در . يوقسه حكومتك ويا بر دائره بلديه نك منافع عموميه ايچون بر ملك صانون آلمق ايستمسى بوماده نك دائره شمولى خارجنده قالير . «املاك اداره و كيللرى» جمعيتك ۱۷ تشرين ثانى ۹۲۶ تاريخنده وقوعبولان بر اشعارلرنده استملاك طريقيله وقوعبولان صايشلرده دخى استملاكه عائد ثبنيات ومذاكرات اداره و كيللرى طرفندن تعقيب ايدللكلى حالده قوميسيون اعطاسى ايجاب ايلر يولنده بر مطالعه درميان ايدلمش ايسده بومطالع بر تعاملك موجوديتنى تعيين و تثبيت مدار عد ايديلمز .

جمعيتك تاويلى مناقشه پي دافع دكلدر . چونكه بر اداره و كيلك (املاك دلالى) نك مشترى آرامسى ايله بومشترينك كنديلكندن ظهور ايتمى آره سنده هر حالده بر فرق كوزه ملك طبيعى در . بوضوك شقده ايسه دلالك توسطك لزومى اهميتى ووظيفهسى ايسه دها خفيفدر . هله مشترى اوله جى اولان بر دائره بلديه اولنجه - كه بو تقديرده ايتستديكى املاكى استملاك طريقيله آله بيلور - متوسطك ايضا ايدى جكى رول على العموم ملك ايچون مشترى بولوب آنكه فراغ خصوصى مذاكره ايتكم وظيفه سندن هر حالده دها آز آغيدر .

(مازل وژاقوبى) نك موقعنده بولنان بر املاك دلالنه كسب استحقاق ايتديكى اجرتك نه بر رسمى تعرفه نه ده تعيين ايتمش بر تعامل ايله تثبيتى قابل دكلدر . بو اجرتك وكالتك «سمسارلغه قابل تطبيق اولان قواعدينه توفيقاً تعيينى حاكمه هاندر (بورجار قانونك ۴۱۲ نجى ماده سنك ۲ نجى فقرهسى ايله ۳۹۳ نجى ماده نك ۳ نجى فقره دى (۴۰۴ - ۳۸۶) .

بدایت حاكملرينك (مازل وژاقوبى) نك استحقاق اداسنده بولنه بيله جكلرى اجرت حقنده كى تقديرلى معقول كورلمكده اولديغندن آنك بقاسى ايجاب ايدر .

(آ) ثانياً : بقیه حساب اوله رق طلب ايدیلن ۷۳,۱۰۰ فرائق حقنده :
برنجى مسئله نك اقتران ايتديكى صورت حله نظر آ (مازل وژاقوبى) ره ورده بيه مديون قالمقده درلر . بنابرین بواضا وارد دكلدر .

(ب) — ۳۰۰ فرانق ضرر و زیان :

یوقاروده ایضاح ایدلدیکی وجهله مسئله (ره ورده ده) ایله (مازل و ژاقوبی) آره سسنده بر قطع حساب خصوصندن عبارتدر . اشبو حسابک « قومیسون اجرتی » ماده سی (ره ورده) طرفندن رد ایدلش بولمقده اولدیغندن اختلاف واقعی حقوق محکمه سنه مراجعتله حل ایتدیرمی اقتضا ایدر ایدی . بویله یانمایوبده طوغریدن طوغری به مدعی عمومی به شکایتنامه تقدیم ایتدی یولسزدر . واقعا شکایتنامه ده (مازل و ژاقوبی) نك امتناعی اسبابی ذکر ایدلمکده ایسه ده عینی زمانده طرفلرندن تحصیل ایدلش اولان مبالغی « اخطارات مکرر به رغماً » من له الحقه تسلیم ایلدکلی رد و اعاده شرطیله اخذ ایتش اولدقلی بدلاتی نذرلرنده حفظ ایلدکلی مقام اتهام ده سرد و آیان ایدلمکده در .

پک اوزون زماندن برو د . عائله سنک مظهر اعتمادی اولان معتبر ایش آدملرینه او ایله بر اسنادک موقوفه مطابق اولمادیغنی بیلدیکی حالد — نته کیم ۱۷ مارت ۱۹۲۶ تاریخی لایحه سنده واقع اولان اعترافی وجهله شکایتنامه تقدیمندن مقصدی کنديلرندن طلب اولنان مبالغی تسویه ایللری ایچون اوزر لرینه اجرای تضییق ایتکدن عبارتدی (امینی سوء استعمال جرمنی اسناد ایتمکه آغیر بر خطا ارتکاب ایتش بولینیوردی .

هر نه قدر موضوع بحث شکایتنامه (مازل و ژاقوبی) ایچون مادی ر ضرر تولید ایلماکله برابر بورجلر قانونک ۴۹ (۴۹) نجی ماده سی موجبجه دوچار اولدقلی ضرر معنوی نك تعمیری ایچون تضمینات طلبنه حقاری درکاردر . فی الواقع معتبر بر تجارتخانه نك بر شکایتنامه ایله کنديسه امینی سوء استعمال جرمنی اسناد اولنمی ، مدیرلرندن هر قنقی برینک مظلون صفتیله مستطقی حضورینه چیقیمی شهسز که الیم بر وضعیتدر . خصوصات نمائنده ایسه تعمیر حقسن طرفک خطاسنک تعیین و اعلانی کیفیتندن عبارت اوله جفندن (مازل و ژاقوبی) به یالکز ۱۰۰ فرانقلی تضمینات تقدیه اعطا ایدلسی کافی کورلمشدر .

ایمدی (ره ورده) نك ۱۵۲۶،۹۰ فرانق آلاجنی و (قومیسون اجرتندن طولانی ۶۰۰ ، تضمینات ۱۰۰ که جمعاً) ۷۰۰ فرانق بورجی اولدیغندن آلاجنی ۸۲۶،۹۰ فرانقه ارجاع ایدلک اقتضا ایدر .

اورینجی مستند به کلمه :
(مازل و ژاقوبی) طرفلرندن طلب اولنان اجرتک مقداری تزیل ایدلش ایسه ده

(رده ورده) طرفندن جای مناقشه کوریلن اجرت استحقاقلری محکمه جه قبول اولمشدر . دیگر طرفندن علی الاصول صفت لازمه یی حائز اولمادن اقامه دعوی ایتمسله (رده ورده) ، اجتنابی ایجاب ایدن بر طاقم معاملاتک اجراسنی استلزام ایتدیرمشدر . بو اعتبارله بدایت مصارف محاکمه سیله استیناف مصارفک طرفین بیننده محسوب و تقاضی موافق عدالتدر . اسباب معروضه یه بناءً محکمه لدی التأمل :

خصوصات اصولیه بحثده ؛ ۶ مایس ۱۹۲۶ تاریخی حکم حقنده کی دعوای استینافیه اصلیه ایله دعوای حادثه استینافیه یی شایان قبول کورمکده ، اساس ماده یه کلنجه ؛ حکم مبحث عنهی جرح ایله :

(رده ورده) یه حساب بقیه سی اولان ۸۲۶،۹۰ فرانکی ۱ کانون ثانی ۱۹۲۶ تاریخندن اعتباراً یوزده ۵ فائضله برابر تسویه سنه ؛ بدایت مصارفله استیناف مصارف محاکمه سنک طرفین آرمسندنه تقاص و محسوب صورتیه اطفاسنه . و طرفین مخاصمینک سائر هر کونا مطالبینک ردینه قرار ویرلدی .

فده ده رال محکمه سی مقرراتندن

مهرق طلاق - ۷ تشرین اول سنه ۱۹۲۶

طلاق - اولیلک رابطه سنک آغیر صورتده خللدار ایدلسی - اون ایکی سنه دنبری محبه سی بولنان وقاریسنکده سنه لردن بری بر شخص ثالثه مناسبات جنسیه ده بولندیغنی بیلدیکی حالده قاریسله برابر بر یرده یشامش اولان بر قوجه نك طلاق دعواسی - قانتون محکمه سنجه قبول ایدیلن ادعای واقعک اولیلک رابطه سنده معنای قانونیسیله ایقاع ایدلش بیوک بر عارضه نك فقدانندن طولابی فده ده رال محکمه سنجه رد ایدلسی .

۱ — قاعده طلاقه سبب اولان احوالک بذاته غایت وخیم اولمسی کیفیتی اولیلک رابطه سنی احما ایچون کافی دکلدر . احوال مذکورنك معین خصوصی بر حادثه ده بونیجه یی حاصل ایتمش اولمسی لابددر .

۲ — ایشته حال بو مرکزده دکلدر ، زیرا قاری قوجه ، ایکبسنکده اوزون مدتدنبری زنا ایتدکلرینی بیلدکلری حالده برلکده یشامغه دوام ویکدیگریله بحرمانه مناسبات ادامه ایتمشلدر .

حادثه ؛ مدعی ، مدعی علیها ایله ۱۹۰۱ سنه سنده اولنه زك بو اولنه دن ایکی چوچق حاصل

اولشدر. بری ۱۹۰۵ ده و دیکریده ۱۹۰۷ ده طوغمشدر. طرفین مؤخرأ برکنجلر پانیونی اداره ایشلدر. ۱۹۱۳ سنه سندنبری مدعینک بر مجبسی اولوب بوتاریخندن بری مدعی علیها دخی مؤسسەنک سابق منسوبلرندن موسیو و. ایله مناسبات محرمانه ادامه ایلکدهدر. بوکا رغماً طرفین برابر یشامغه و بر یرده اقامته دوام ایشلدر. مدعی به نظراً قاریسنگ و. ایله مناسبات جنسیه سی ۱۹۲۱ سنه سنه قدر ومدعی علیهایه نظراً ایسه طلاق دعوائسنگ اقامه سندن سکز کون اولته قدر یعنی ۷ نیشان سنه ۱۹۲۴ تاریخه قدر دوام ایشدر.

۲۵ نیشان سنه ۱۹۲۱ تاریخی قراريله زوربخ قانتون محکمه سی زنانن و آغیر حقارتلر اداسندن منبعث اسبابی رد ایتمکله برابر قانون مدنی نک ۱۴۲ (بزم ۱۳۴) نجی ماده سنه توفیقاً طلاقه حکم ایشدر. فده رال محکمه سی ایسه بوقراری جرح ایله دعوائی رد ایشدر.

قرار

۱۴۲ نجی ماده حکمنجه مشترک حیات چکلمز برحاله کله جک درجه ده اولیلک رابطہ سی آغیر صورتده دوچار خلل اولورسه طلاق طلب اولنه بیلیر. مع هذا شرائط مذکورەنک موجود اولایلمسی ایچون حادثه لک معتاد وجهله جریانی حالنده اولیلک رابطہ سنی ازاله ایده جک ماهیتده اولمی کافی دکلدر. برده معین بر مسئله مواجهه سنده مذکور حادثه لک طرفینک اولی حسیاتنه، اولیلک حیاتنک دوامنه مانع اولایيله جک برتأثیر ایقاع ایتمش اولمی لازمدر. حالبوکه موضوع بحث مسئله ده حال بوسر کزده دکلدر. متحققدر که مدعی، قاریسنگ و. ایله مناسباتده بولندیغنی ۱۹۱۴ سنه سندن بری بیلدیکی حالده قاریيله مشترک حیاته و مناسبات جنسیه ده دوام ایشدر. بومناسبات کندی افاده سنه کوره ۱۹۲۱ سنه سنه قدر ومدعی علیهایه نظراً ایسه حتی دعوائک اقامه سندن سکز کون اولته قدر دوام ایتمشدر. بوندن ماعدا طرفینک صلح اولمی ایچون آچیلان برجلسه مناسبتيله مدعی، مدعی علیهانک آرزوسی اوزرینه اونی درآغوش ایتدیکی بوتاریخندن صکره دخی قاری قوجه یوکسک برتربیه کورمش کیمسه لر آده سنده معتاد اولان ترا کته ساده جه دلالت ایده میه جک طرزده محبتکار براسلوب ایله خابره ایتمشدر. بوجهله مدعی سنه لرجه دوچار اولدیغنی حقارته تحمل ایده رک - وذاتاً کندیسی دخی

مدعی علمایه عینی درجه‌ده مقابله ایتک صورتیله - بوندن طرفینک اولیک حسیاتی چاره‌سز برصورتده معذب اولمادیفی جهتله مدعینک، و. ایله قطع مناسبات ایلدیکی حقیقده کندیسنه تأمینات ویرن مدعی علمایه ایل برک حیاتنه دواملری ایجاب ایتمکده‌در. مدعی ۱۴۲نجی ماده‌یه تعلقی اولاییله جک حادثات سائره‌نی ادعا واثبات ایتش اولسه‌ایدی دیگر برصورت حاکم تحریسی لزومی احتمال حاصل اولوردی. حالوکه حادثه‌ده اولیله بروضیت یوقدر.

مترجمی: آووقات

نه. قرهن

مترجمک فوطی — بالایه درج ایتدیکمز فده‌رال محکمه‌سک قرارینی برقاچ نقطه‌دن شایان دقت بولدق:

۱ — حادثه‌نک صورت تصویرینه نظراً فده‌رال محکمه‌سی بو مسئله‌ده حکمی ویررکن ظاهراً اخلاقی تلقیانه بیوک بر اهمیت ویرمیور کبی کورندیکی حالده حقیقتده برحس و فکر اخلاقیه تبعیت ایتش اولویور. مادامکه، دییور، مدعی سنه‌لرجه بو حقارته هرانه صورتله اولورسه اولسون تحمل ایتش، مادامکه سنه‌لرجه دوام ایدن بو حادثه اضطرابی موجب اولماش، اولیک حیاتنده بیوک بر عارضه احداث ایتمه‌ش، خلاصه بویوزدن تعبیر قانونیسیله قاری قوجه آره‌سنده شدتلی برکیمسزلق باش کوسترمه‌مشدر دیمک که بو حادثه قانونک مدار حکم اتخاذ ایتدیکی تأثیر ونتیجه‌نی تولید ایتمه‌شدر. او حالده کونک برنده قوجه طرفندن وقوع بولان شو طلاق طلبی واقعا طرفینک تصادفیه تحقق ایدن بر حادثه‌یه استناد ایدمک ایسته‌نیور، آنجق دعوایه سبب اوله‌جق حادثه‌نک تأثیر ونتیجه‌سی موجود اولمادیغندن دعواده سببسز قالیور. مدعینک مقصدی بوراده آشکار برصورتده کورلمکده‌در. اوزون مدت سکوتیله بو حادثه‌نی تصویب ایتدکن صکره بویله بر دعوایه قیام ایتسی، هر حالده استناد ایتدیکی حادثه‌دن بشقه، اظهاردن چکیندیکی حقسن بر سبب طولانیسیله قاریسندن آیرلق ایسته‌دیکنی کوسترمکده‌در. محکمه بو مقصده آلت اولماق‌له مصیب برصورتده حرکت ایتش اولیور. عینی زمانده الجزاء من جنس العمل تعمیری برجهت تطبیق ده‌ا کورمش اولیور.

۲ — کوریلدیور که حادثه‌یه نظراً دکل، حادثه‌نک طرفینک حسیاتنه، اخلاقی تلقیانه

کوره اوزرلرنده ایقاع ایتدیکی تأثیره نظراً حکم ویرلش اولیور . بوصورتله عینی حادثه مختلف اشخاص اوزرلرنده مختلف تأثیرات پایه جفته نظراً حکملرده باشقه باشقه اولاییلر . بونتیجه حاکمک قانوناً حائز اولدینی تقدیر وصلاحیتک وسعت ودرجه سنی آریجه اثبات ایده جک دلائلندر . بوجهله احکام شخصییه ساحه سنده دخی حاکمی ، بر جزا حاکمک حائز اولدینی صلاحیت و تقدیر حقاريله مجهز کوریورز .

۳ — اسویچره قانون مدنیسنک زنایه متعلق اولان ۱۳۷ نجی (بزم ۱۲۹ نجی) ماده سنک اوچنجی فقره سنده « زنایه موافقت ویا عفو حالنده دعوا مسموع اولماز ، دیه محرردر . زنایه موافقت تعیری بزم قانونمزه کچمه مشدر .

فهدرال محکمه سی بو فقره یه ، تصویر دعوا یه و طرفینک وضعیتنه نظراً زنایه موافقت جهته نیه تماس ایتمه مشدر ؟ حادثه ده صراحةً ویا ضماً موافقت وضعیتی موجود دکیدر ؟ نهدن بوسیلله دعوائی اساساً عدم مسموعیت قراريله رد ایتمه مشدر ؟ بو نقطه شایان تأملدر .

۴ — بزده بویله بر مسئله ده قاستون محکمه سنک ویرمش اولدینی قرار احوال خصوصیه مزه نظراً دها ملایم کلیر اعتقادندیم . هیچ دکلسه ، حادثه نیک محکمه لره انتقالی صورتیله وقوع بولان شیوعی ، مستقل اولیلک حیاتی اوزرینه فنا بر تأثیر ابقاعدن خالی قالاماز . عینی زمانده بزم ۱۲۹ نجی ماده یه زنایه موافقت تعیری نقل ایدلمه مسندن آکلایورز که بزده بو خصوصه بر آزددها احتیاطله حرکت ایدلمک ایسته مشدر . بوماده عفو اولما نیجه زنا یی مطلق صورتده سبب طلاق عدا یتمه کده در . قاری قوجه نیک ایکیسنک عینی وضعیتده اولسی دیکرینک قانوناً حائز اولدینی حق استعمالدن منع ایدرمی ؟ صکره بالاده کی قراری احکام جزائییه مزله نصل تألیف ایده بیلیر ؟ طلاق دعواسنی اقامه ایدن بویله بر قوجه جزا محکمه سنده مراجعت ایلر وجزا قانوننک ۴۴۰ و ۴۴۲ نجی ماده لر یه موجبنجه قاریسنک تجزیه سنی طلب ایده بیلیر ، کندیمی دخی ۴۴۱ نجی ماده نیک تعریف ایتدیکی حال ووضعیته بولنه بیلیر . بو شرائط داخلنده اولیلک حیاتنک دوامه دائر ویريله جک قرار بر نکاح زور ماهیتده برشی اوله جقدر .